


JAMHUURIYADA SOMALILAND



GOLAHA GUURTIDDA



DIB-U-EEGISTA XEERKA ILLAALINTA XUQUUQDA CARUURTA

(XEER Lr. 102/2022)

# JAMHUURIYADDA SOMALILAND

## GOLAHA GUURTIDDU

**Markuu Arkay:-** Qodobada 19aad, 20aad, 38aad , 77aad, 78aad, & 113aad ee Dastuurka Jamhuuriyadda Somaliland.

**Markuu Arkay:-** Dib-u-eegista Xeerka Illaalinta Xuquuqda Caruurta ee G/Wakiilda uga yimid.

**Markuu Dhagaystay:-** Doodii Mudanayaashu ka yeesheen in Dib-u- eegis lagu sameeyo Xeerkan, soona jeediyeen in gudi loo saaro.

**Markuu ku qancay:-** Talo soo-jeedinta ay soo gudbiyeen Guddidii Goluhu u saaray Dib-u- eegista Xeerka Illaalinta Xuquuqda Caruurta Xeer/Lr:- 102/2022.

**WUXUU ANSIXIYAY**

**DIB-U-EEGISTA XEERKA ILLALINTA XUQUUQDA CARUURTA  
XEER LR.102/2022**



**Qodobka 2<sup>aad</sup>  
Eray-bixinno.**

**Erey bixintan oo u dhignayd sidan:**

**Qoys:** Waxa loola jeedaa cidda ah xigtada iyo ehelka ilmaha.

**Kafaalo-qaadasho:** Waxa loola jeedaa cid si gaar ah u doonaysa in ay qaaddo masuuliyadda daryeelka iyo barbaarinta ilmaha.

**Xadgudub:** Waxa loola jeedaa dhammaan falalka u dhigma xadgudub jidheed iyo waxyeello dareen.

**Kaalmo sharci:** Waxa loola jeedaa in uu ilmuhu helo adeeg kaalmo sharci oo bilaasha ah dhammaan dacwadaha.

**Waxaa loo bedelay sidan:**

**Qodobka 2<sup>aad</sup>  
Eray-bixinno.**

**Qoys:** Waxa loola jeedaa Waalidiinta iyo Carruurtoodda.

**Kafaalo-qaadasho:** Waxaa loola jeedaa cidkasta oo lagu aamino masuuliyadda iyo barbaarinta ilmaha una haysa awood dhaqaale oo ay ku daryeesho.

**Xadgudub:** Waxaa loola jeedaa wax kasta oo ilmaha wax u dhimi kara jidh-ahaan iyo maskax ahaanba.

**Kaalmo sharci:** Waxaa loola jeedaa adeeg Sharci oo billaash ah oo ay bixiso Wasaaradda Cadaaladdu waxna loogu qabanaayo ilmaha.

**Waxaa Iyana lagu soo daray Erey bixintan Cusub:**


**Carruurta Baahiyaha-gaarka ah leh:-** Waxaa loola jeedaa Carruurta Indhaha-la, Dhagaha'la, Maskax ahaan ama jidh ahaan waxyeelo qaba.

**Darbi-jiif:-** Waxaa loola jeedaa Carruurta baylahsan ee aan lahayn waalid daryeela iyo ehel toona

**Faquuq:-** Waxaa loola jeedaa takoorid

**Ehel:-** Waxaa loola jeedaa xigtada Carruurta

**Qoddobkan 9aad oo u dhignaa sidan:**



**Qodobka 9aad**

**Xaqa Caddaynta Waalidnimida iyo Walaaltinimada**


1. Ilme kastaa waxa uu xaq u leeyahay in loo caddeeyo waalidka dhalay haddii ay dhacdo xaaladahan soo socdaa:-
  - b. Haddii laba qoys ama laba qof isku qabsadaan ilmaha, iyada oo loo raacayo xaaladaha shareecadu jidaysay
  - t. Caddaynta waalidnimo waxa ay saarantahay qofka ama qoyska sheeganaya iyada oo lagu xaqiijinayo si waafaqsan shareecada Islaamka, iyada oo ugu danbayn lagu kala saarayo caddaymaha hidde-sideha (DNA)
2. Maxkamadda ayaa go'aan ka gaadhaysa xaaladaha caddaynta nasabka ilmaha.
3. haddii laba ilme oo walaalo ahi ay ku murmaan walaaltinimada waa in loo raacaa xaqiijintooda si waafaqsan shareecada Islaamka, iyada oo ugu dambayn lagu kala saarayo hidde-sidaha (DNA).

**Waxaa nuxur ahaan loo dhigay sidan:**

**Qodobka 9aad**

**Xaqa Caddaynta Waalidnimida iyo Walaaltinimada**

1. Ilme kastaa waxa uu xaq u leeyahay in loo caddeeyo waalidka dhalay haddii ay dhacdo xaaladahan soo socdaa:-
    - b. Haddii laba qoys ama laba qof isku qabsadaan ilmaha, iyada oo loo raacayo xaaladaha shareecadu jidaysay
    - t. Caddaynta waalidnimo waxa ay saarantahay qofka ama qoyska sheeganaya iyada oo lagu xaqiijinayo caddaymaha hidde-sidaha (DNA) si waafaqsan shareecada Islaamka.
  2. haddii laba ilme oo walaalo ahi ay ku murmaan walaaltinimada waa in loo raacaa xaqiijintooda lagu kala saarayo hidde-sidaha (DNA) si waafaqsan shareecada Islaamka.
  3. Ugu danbayna Maxkamadda Awooda u leh ayaa go'aan ka gaadhaysa xaaladaha caddaynta nasabka ilmaha.
- Asbaab:** go'aanka ugu danbeeya ee lagu kala saarayo caddaynta hidde-sidaha waxa leh maxkamada Awooda u leh, iyadoo laga fogaanayo wax kasta oo carqalad gelinkara xilliga wax la dhaxlaayo.



**Qoddobkan 10aad oo ka koobnaa 3 farqadood waxaa lagu soo daray  
Firqadan 4aad oo Cusub una dhigan sidan.**

**Qodobka 10<sup>aad</sup>  
Masuuliyadda Qoyska**

4. Haddii labada waalid isku khilaafaan ilme ama Carruur wadanka Somaliland joogta in loo dhoofiyo ama lagu celiyo wadan kale oo ay hore u jooheen waxaa loo raacidoonaa waalidka raba in Caruurtaas lagu koriyo wadankooda, iyadoo loo danaynaayo ilmaha, si waafaqsan Dhaqanka suuban iyo Diinta Islaamka.

**Asbaab:** waxay in ta badan arrintani saamayn ku leedahay khilaafaadka qoysaska ku nool Dalka dibadiisa oo ay Carruurta ku dayacmaan.

**Qoddobkan 18aad oo ka koobnaa 2 firqadood oo u dhignaa sidan:**

**Qodobka 18<sup>aad</sup>  
Xaqa Islaamnimada**

1. Carruurta waxa ay xaq u leeyihiin in loo ilaaliyo shacaa'irta islaamiga ah iyo ku toosnaanta diinta suubban xilliga korinta iyo ka hor inta aanay qaangaadhin ee masuuliyaddooda gaarka ah waalidku gacanta ku hayo.
2. Ilme kastaa waxa uu xaq u leeyahay in loo bixiyo magaca aan ka hor imanayn sifooyinka shareecadu inoo jidaysay si uu bulshada astaamo wanaagsan ugu dhex lahaado.

**Waxa lagu soo koobay farqadan.**



### Qodobka 18<sup>aad</sup>

#### Xaqa Islaamnimada

Carruurta waxa ay xaq u leeyihiin in loo ilaaliyo shacaa'irta islaamiga ah iyo ku toosnaanta diinta suuban xilliga korinta iyo ka hor inta aanay qaangaadhin ee masuuliyaddooda gaarka ah waalidku gacanta ku hayo.

**Asbaab :** Waxaa laga saaray farqada 2aad sababta oo ah waxay ku jirtaa qodobka 20aad firqadiisa 1aad oo nuxur ahaan ay ku haboon tahay.

**Qoddobkan 23aad oo farqadiisa 4aad lahayd laba lambar oo isku mida nuxur ahaana kala duwan u dhignaa sidan;**

### Qodobka 23<sup>aad</sup>

#### Xaqa Daryeel Waalidnimo

4. Dawladda waxa waajib ku ah in ay samayso qoysas iyo xarumo lagu daryeelo carruurta si ku meelgaadh ah iyo in ay helaan waalid nuujiya.

4. Dawladda waxa ku waajib ah in ay gacan siiso qoysaska ama cid kasta oo daryeelaya carruurta aan daryeel waalidnimo haysan.


**Waxaa loo bedelay sidan iyada oo nuxur ahaan lagu mideeyey firqadan 4 aad laguna kordhiyey, Qoddobkan 23aad 2 firqadood oo cusub 8aad iyo 9aad oo u dhigan sidan:**

### Qodobka 23<sup>aad</sup>

#### Xaqa Daryeel Waalidnimo.

4. Dawlada waxaa waajib ku ah inay samayso xarumo lagu daryeelo Carruurta aan lahayn waalid iyo ehel daryeela, cidina aanay kafaalo qaadan, lana socoto xaaladaha ay ku sugan yihiin

Carruurta ku jira xarumaha dawaladu gacanta ku hayso, iyadoo lagu barbaarinaayo Dintlooda,  
Dhaqankooda iyo Taariikhda Dalkooda.



8. Hadii ilme kamid ah Caruunta ku jirta xarumaha daryeelka Caruurta ee Dawladda ee aan lahayn ehel iyo waalid uu ku abtirsado xaga aabaha iyo hooyada toona wixii dhib ah ee uu gaysto dhaawac iyo dhimashaba waxaa loo raacayaa dowladda.
9. Hadii ilme kamid ah Carruunta ku jirta xarumaha daryeelka caruurta ee Dawladda ee aan lahayn waalid iyo ehel uu ku abtirsado xaga aabaha iyo hooyada toona wixii dhib ah ee loo gaysto ee dhimasho ah waxaa magtiisa leh dowlada .

Sulaymaan Maxamuud Aaden  
Guddoomiyaha G/Guurtidda JSL

Cabdinaasir Aaden Beegsi  
Xoghayaha Guud ee G/Guurtidda JSL

